

Совхоз ӧсджәнә

Юстинск района „Северный“ совхоз джил болгън ӧсәд йовна. Зугл эн джилд совхозин хӧн малин тонь 45 минь д кӱрв. Нидн джил совхоз 30 миньгън 630 хӧбгә бәәсмн. Государствд 17 миньгъ каракульск хӱрск ӧгхин ормд 18 миньгън 678 хӱрск ӧггдв.

Мал ӧсклгънә социалистическ дӧрддәнд кесг хӧбчнр ӱзмджтә сән кӧдлмшин ӱлгӱр ӱзӱлцхәв. Ах хӧбчнр Х. Босхомджиев, Г. Паркасов, Морхадьков, А. Даутов ахта 100 хӧн болгънас 115-123 хургъ авцхав.

Хургъд олар авад, эдниг таргън цадхлнъгар экәснь салгъсн тӧләдән кесг хӧбчнр мӧрәлгдв. Хӧбч Босхомджиевин бригад 10 миньгън 364 арслнь, Буруловин бригад—10 миньгън 174 арслнь, Даутовин бригад—10 миньгън. Паркасовин бригад—9 миньгън 580 арслнь, Морхадьковин бригад—8 миньгън 830 арслнь мӧнъгәр ачлгдв.

Совхозин коллектив Алдр Октябрин 41-ч джилин ӧбнигшин диилврмӱдәр тосхар ноолддж йовна.

Н. БАДМАЕВ.